



PRESS STATEMENT

IMR 02/13
TOK PISIN

WORLD CANCER DAY IS MONDAY 4 FEBRUARY 2013

31 January 2013

IMR FIGHTS CERVICAL CANCER

Cervical cancer (Kensa blong maus blong bilum blong karim pikinini) isave kilim antap long 1500 pela meri long PNG insait long wanwan krismas.

Wanpla binatang, ol ikolim long Human Papilloma Virus (HPV), isave kamapim displa sik kensa bilong maus bilong bilum bilong karim pikinini. Igat planti kainkain HPV binatang tasol tupla wei isave kamapim bikpela hevi blong displa sik kensa insait long wol em HPV16 na HPV18.

ōTasol igat ol marasin nau istap insait long wol wei iken wok gut tru long banisim bodi bilong ol manmeri long displa tupla kain HPV, ö Andrew Vallely, Namba Tu Dairecta blong Saiens long Papua Niugini Institut blong Medikol Reses (IMR) itok.

ōOl i yusim dispela marasin pinis long planti kantri long wol na tu olkantri we developmen i wok long kam insait yet olsem Bhutan, Malaysia na Nepal, ö Dr Vallely itok.

ōTasol pastaim long mipla tu insait long PNG i yusim displa ol marasin, yumi mas skelim gut hamaspla ol meri insait long PNG igat displa binatang HPV na tu sapos displa ol kainkain binatang HPV (olsem HPV 16 na HPV 18), wemarasin iken banisim ol manmeri long em, is tap insait long kantri, ö em itok.

ōLong save moa long displa ol samting, PNG IMR i wokim bikpla wok painim aut long skelim hevi bilong dispela binatang HPV insait long kantri. Dispela em i nambawan taim kain wok i kamap insait long PNG.

ōMipla wok long askim ol meri we ol i go long klinik blong ol bel mama, klinik bilong hevi bilong manmeri i silip wantem na wokim marit pasin na tu ol klinik blong ol meri long kam insait long displa wok painim aut. Bilong wanem displa wok painim aut bai helpim mipla long save moa long displa binatang HPV insait long kantri na tu displa iken helpim tu gavman long wanem kain marasin ol iken kisim i kam insait long kantri long rausim displa hevi bilong binatang HPV and sik kensa bilong maus bilong bilum bilong karim pikinini.

ōMipla tu i wok klostu wantaim Nesenal Dipatmen blong Helt (NDoH) long lukluk long sampla narapla rot bilong sekim displa sik kansa namel long ol meri insait long PNG. Wanpla wok painim aut blong displa bai kamap klostu taim insait long tupla ples insait long Hailens.

ōInsait long displa niupela wok painim aut, mipla bai yusim wanpla spesel marasin ol i save yusim long peintim mas bilong bilum bilong karim pikinini long sekim sapos i gat hevi bilong

sik kensa i stap. Displa wei em i gutpla long sekim na tu rausim sik kensa taim displa sik i stat niupla yet.

ōRiport bilong displa wok painim aut bai i go long gavman na NDoH insait long dispela krismas na PNG i ken save gut nau long wanem rot kantri bai kisim long daudim dispela hevi.

ōOl displa wok painim aut mipela i mekim bai helpim tru gavman long kamapim niupla polisi na tu iken kamapim niupla ol tingting long hausait kantri iken daunim displa sik kensa na tu kisim ol rait marasin wei iken kilim indai displa sik,ō Dr Vallely itok.

Media contact: Geraldine Vilakiva ó phone: (+675) 532 2800 or (+675) 7205 6686
Email: geraldine.vilakiva@pngimr.org.pg